



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Qu. IV. An Sacraenta a fictè suscepta fictione sublatâ reviviscant.

[urn:nbn:de:hbz:466:1-72963](#)

est ad eis dispositivôs, si sint prædicti conditionibus ad meritum gratiæ requisitis, posse illam mereri, quam mererentur etiam extra Sacramentum; cum hoc tamen simul possunt disponere ad specialem gratiam tribuendam vi Sacramenti ex opere operato.

DICO IV. Sacraenta non conferunt gratiam sanctificantem vel auxilia actualia ex opere operato, quando tantum habentur in voto, sed tunc solum quando realiter suscipiuntur. Ita communiter Theologi contra Paucos. Probatur primò, quia Scriptura attribuit causationem hujus novi effectus ipsi Sacramentorum susceptioni. Secundò, quia Sacramentum in voto subinde numquam confertur à parte rei, homine, qui illud desiderat, citius ex hac vita migrante: tunc autem non possit dici gratiam istam ex opere operato per Sacramentum conferri; cum opus operatum numquam existat. Tertiò, quia Sacramentum confert totum suum effectum, dum realiter suscipitur, perinde ac si numquam antea fuisset susceptum voto; ergo signum est illud non contulisse prius gratiam ei ex opere operato respondentem. Quartò, quia Sacraenta, saltē mortuorum, faciunt ex attrito contritum; adeoque si illis, etiam in voto susceptis, responderet effectus Sacramentalis, conferrent similiiter gratiam tantum attritis: hoc autem est contra omnes. Denique quia indubitate est, Sacramentum non imprimere characterem, quando tantum voto suscipitur; nam alioquin postea baptizari non deberet, immo nec posset, qui per baptismum voto susceptum fuisset justificatus: & tamen eadem ratione, quâ confertur effectus, etiam imprimaret characterem.

Iaque Concilia & Patres quando effectum Sacramentalem adscribunt Sacraenta in voto susceptis per fidem vivam, quæ per dilectionem operatur, aut per veram contritionem cum ordine ad Sacramentum sive explicito sive implicito (qui includitur in charitate sive contritione, quando Sacramentum est impræcepto) non loquuntur de effectu, qui confertur vi Sacramenti seu ex opere operato, sed de effectu simili aut æquivalente, quia nimis desiderantes Sacramentum tali affectu acquirunt ex opere operantis gratiam similem ei, quæ per Sacramentum causatur; etiam tamen non acquirunt ab ipsis Sacraenta ut causâ instrumentali, sed potius tamquam ab objecto boni bene desiderato. Hoc sensu Trident. sess. 13. cap. 8. dicit Patres nostrî docuerunt alios tantum spiritualiter sumere, illos nimis qui voto proposum illum celestem panem edentes fide vivâ, quæ per dilectionem operatur, fructum ejus & utilitatem sentiant, id est, effectum similem,

quia scilicet crescunt in Christi charitate, in quo fructus hujus Sacramenti consistit.

DICO V. Sacraenta conferunt gratiam habitualem (idem est de charactere in Sacramentis illum conferentibus) tunc, quando essentialiter complentur. Dico gratiam habitualem: actualia enim auxilia conferunt tempore opportuno. Probatur essentialiter Conclusio: quia Sacraenta causant gratiam ratione sue essentiae, cui virtus cau- 41. Sacraenta conferant gratiam habitualem, quando es-entialiter complentur.

sandi est annexa; essentia autem illorum nondum est, antequa essentialiter compleantur: cùmq; operentur instar causarum naturalium, nequit effectus etiam diutius differri. Confirmatur: quia tunc solum sunt Sacraenta. Deinde conferunt gratiam vi significationis, quæ solum convenit Sacramento jam completo. Sic v. g. Baptismus causat characterem, & in bene disposito gratiam sanctificantem, quando præmissâ ablutione profereatur ultima syllaba formæ requisita ad perfectam significationem, etiam si sonus adhuc duret: aut dum pronuntiatâ formâ tantum aquæ contingit corpus baptizandi, quantum præcisè requirit conscientia Baptismi, etiam si adhuc duret infusio. Hoc autem contingit in ultimo & determinato instanti intrinsecò ipsis Sacraentis, juxta illos qui continuum successum dicunt componi ex instantibus indivisibilibus. Qui autem illud componunt ex partibus sine fine divisibilibus inextricabiles patiuntur difficultates; ideoque in diversas abidere sententias. Receptior autem videtur illa, quæ statuit effectum conferri in primo non esse Sacramenti. Quod etsi difficultate non careat, tamen sustineri potest. De hac porrò controversia, satis philosophicâ ex parte fundamenti, nec magnopere utili, fusissimè disputant nonnulli Recentiores: qui videri possunt.

Q U A E S T I O N E I V.

*An Sacraenta fidei suscepta
fictione sublatâ revi-
viscant?*

NOTA nos hic non loqui de illo, qui 42. Quid hic
sit, fidei
suscepere.
Sacramen-
tum. Sacramentum suscepit invalidè, eo quod fingeret se illud suscipere, cum tam verè suscipere non intenderet: sed de illo, qui validè quidem Sacramentum suscepit, sed indignè, adeoque non obtinuit effectum sacramentalem sive gratiam (characterem enim certo accipit, qui cumque validè suscepit Sacramentum characterem imprimens) defectu dispositionis requisita, v. g. quia existens in peccato mortali dolorem debitum culpabiliter aut incul-

inculpabiliter omisit; aut quia in ipso Sacramenti susceptione novum peccatum mortale commisit. De hujusmodi facte susceptiente queritur, an postea dolens de peccatis recipiat gratiam sacramentalem v.g. baptismi, quam in ipso baptismo non est consecutus propter obicem peccati neandum retractati.

43.
Baptismus
facte suscep-
tus obice
sublatu re-
viviscit.

Probatur
ex S. Augu-
stino.

Cui confo-
nat S. Gre-
gorius.

44.
S. Augustinus

Dico I. Baptismus facte susceptus sublatu fictione sive obice reviviscit conferendo gratiam remissionis peccatorum atque poenarum ex opere operato. Ita D. Thomas qnaq. 69. art. 10. Scors dist. 4 qnaq. 5. num. 3. & 4. & alii Theologi communiter. Probatur I. ex S. Augustino lib. 1. de Baptismo cap. 12. ubi ait quod tunc valere incipiat ad salutem. Baptismus, cum illa fictio veraci confessione recesserit; quæ (ut præmittit) corde in malitia vel sacrilegio perseverante peccatorum abolitionem non sinebas fieri. Similia habet lib. 3. cap. 12. & lib. 6. cap. 5. Ex quibus locis Theologi communiter colligunt Augustinum suisse in hac opinione: quorum communis intellectus magnum fundamentum præbet opinandi istum suisse Augustini sensum: cuius proinde auctoritas sumitur pro præcipuo Conclusionis fundamento. Conformiter loquitur S. Gregorius lib. 9. Epist. 61. (& refertur c. Ab antiqua 44. De Conscr. dist. 4.) dicens: Quia sanctum Baptisma, quod sunt apud Hæreticos confessi, tunc in eis vires emendationis recipit, cum . . . sancte & universalis Ecclesiæ visceribus fuerint uniti.

Neque explicari potest Augustinus, & consequenter Gregorius, quod voluerit Baptismum recedente fictione valere ad salutem, quatenus ratus habetur à Deo, & exinde incipiunt ipsi facto proficere cetera, etiam Sacraenta, quæ sine suscepto Baptismo prodeesse non poterant; prout lib. 1. de Nupt. cap. 33. docet per Baptismum mundari atque sanari etiam subsequentia peccata; utique radicaliter. Tum quia explicatio ista est minus propria & communis intellectui contraria. Tum quia Donatisti argumentibus ex valore Baptismi ab ipsis collati esse penes se Ecclesiam, veluti in qua sola locum habet remissio peccatorum, per Baptismum eorum causata, respondet Augustinus, esse quidem validum, sed tunc solum remittere peccata, utique formaliter & propriè (hoc enim sensu arguebant Donatisti) quando deferto schismate fictio sibi indispositio recesserit veraci confessione. Confirmatur: quia Augustinus docet Baptismum id operari recedente fictione, quod Donatisti arguebant eundem operari acceptum in secta ipsorum: atqui hoc intelligebatur de remissione peccati & poenæ facta per ipsum Baptismum propriè; ergo & illud: alioquin responsio Augustini non esset conformis.

Probatur II. ex Trident. sess. 6. cap. 4. docente Baptismum esse medium ad ju-

stificationem necessarium, sic ut illa sine lavacro regenerationis, aut ejus voto fieri non posset. sed qui facte est baptizatus fictione recedente justificatur & fit filius Dei: ergo dicendum est id fieri per Baptismum aut ejus votum: non per votum, quia sicut non potest aliud Baptismus adhiberi, ita neque aliud Baptismi votum: ergo fit per Baptismum antè susceptum: atque ita Baptismus fictione recedente consequitur suos effectus. Fortasse tamen responderi posset, Concilium nil aliud velle, quād sc̄iptio Baptismi sit ita necessaria, ut quantumcumque quis fuerit per contritionem justificatus, equidem debeat baptizari, nisi jam baptizatus sit: si velle, quod nemo umquam justificetur, nisi vel actu Baptismum receiverit, vel votum saltem implicitum Baptismi habeat; ideoque non dixisse, nos necessario justificari per Baptismum, aut ejus votum, sed non posse sine altertro justificari.

Probatur III. congruentia: quia si Baptismus facte susceptus non reviviscere, non daretur tunc externum remedium remissum originalis & peccatorum ante Baptismum commissorum; quod tamen excellentia novæ Legis postulare videtur. Sequela probatur: nam ista peccata non remitterentur per Baptismum facte susceptum, ut supponitur: non etiam per poenitentia Sacramentum: cum hoc tantum sit institutum in remissionem peccatorum intrâ Ecclesiam seu post baptismum commissorum, ut docet Trid. sess. 14. c. 2. Dicendum igitur est Baptismum facte susceptum reviviscere. Quod si respondeatur sufficere ut tali casu possint peccata ante Baptismum commissa remitti indirecte per Sacramentum Poenitentiae. Contrà facit, quod ne hoc quidem remedium externum haberet locum in iis, qui cum fictione inculpabili Baptismum suscepissent, nec postea peccassent; utpote qui forent Sacramenti Poenitentiae incapaces, adeòque carerent etiam sine culpa sua omni externo salutis remedio. Definde excellentia novæ Legis postulare videtur in prædictis casibus remedium etiam directe remissum originalis & peccatorum ante Baptismum commissorum. Qui tamen id negaret, neque etiam inconveniens esse crederet, quod in postrem casu, qui est valde rarus, & quasi metaphysicus, decesset externum remedium etiam indirecte remissum culparum Baptismum susceptum præcedentium, non posset, quantum est ex ratione, convinci.

Ex hac Conclusione sequitur I. Baptismum reviviscentem (idem est de aliis Sacramentis, si quæ reviviscant, de quibus postea) conferre gratiam habitualem: cum in illius collatione vita Sacramenti seu virtus vivificandi consistat. Et quidem juxta Doctores

Quart. IV. An Sacra menta fictione sublatâ reviviscant. 169

Doctores communiter distinctam conferunt ab ea, quae confertur ratione penitentiae vel contritionis, per quam tollitur obesus: adeoque est major gratia, quam quae conferretur intuitu solius penitentiae aut contritionis: aliás enim reviviscentia Sacra menti parum haberet utilitatis. Idemque confidit ex testimonio Augustini, quibus aliter Baptismum tunc recuperare vim suam, incipiendo valere ad salutem & remissionem peccatorum: quod quā ratione verum est, si totum haberetur æquale ter per opus operantis, etiam excluso Sacramento.

Sequitur II. Sacramentum reviviscente conferendo jus ad auxilia actualia suo tempore conferenda, juxta Doctores communiter: hoc enim jus comitatur gratiam habitualem Sacramenti.

Sequitur III. vi Baptismi præcedens, quando revivisces, conferri remissio nem omnium peccarum temporalium: hec enim ex institutione divina in Baptismi virtute (quae cum Baptismo revivisces) simul cum infusione gratiae continetur. Intellige tamen hoc de peccatis, quae respondebant peccatis Baptismo prævisis; non autem de iis, quae debentur ob peccatum ipsius fictionis aliave Baptismum subsequentia.

Potes, quanta sit illa portio gratiae, quae remoto obice datur ex vi Sacra menti prius suscepisti? Suarez disput. 29. sect. 4. & Coninck existimant esse determinatam portionem, eamque minimam, quae per Baptismum conferri solet, v.g. quanta parvulis in Baptismo tribuitur. Sed probabilius cum Præposito & pluribus aliis respondet, eam dari secundum proportionem dispositionis, quā tollitur obesus: quandoquidem iusta regulam generalem Sacra menta adultis majorem aut minorem gratiam conferant juxta propriam ipsorum dispositionem. Et quāvis dispositio sequatur Sacra menti susceptionem, præcedit tamen infusionem gratiae, & disponit ad illam: cuius Sacramentum, etiam dum revivisces, est collativum ex opere operato: dispositio namque ad effectum non debet precedere causam ipsam, sed causam operationem. Itaque non omnibus obicem removentibus eadem seu æqualis gratia virtute Baptismi reviviscentia confertur; quandoquidem diversi obicem removeant per inæquales dispositiones.

DICO II. Reliqua Sacra menta facte suscepta verosimiliter sublato obice non reviviscent. Ita Soto dist. 6. quest. 1. art. 8. Vafanez, Praepositus & alii. Probatur: nam de solo Baptismo loquitur Augustinus, Gregorius Papa, D. Thomas, Scotus, & passim antiquiores Theologi. De aliis autem Sacra mentis ex Scriptura, Patribus, aut ratione non habetur solidum fundamentum: sine quo tamen effectus non sunt Sacra men-

Henricus Sum. Theol. Pars IV.

tis attribuendi, cum illorum virtus totaliter dependeat ex divino beneplacito, quod aliquo ex prædictis modis deberet nobis innescere.

Dixi verosimiliter: oppositum enim de Confirmatione & Ordine non est improbabile: tum quia multi sic sentiunt; quibus sicut D. Bonav. dist. 3. p. 1. art. 2. q. 3. quatenus pro ratione reviviscentia Baptismi allegat ^{dine est etiam} interabilitatem & Characteris impressio ^{probabile.}

nem. Tum ob hanc ipsam rationem, nempe quia similiiter haec Sacra menta impri-

49. *Oppositorum
tamen de
Confirmatione & Ora*

munt Characterem & sunt omnino ininter-
rabilia, ut baptismus; adeoque conveniens erat, ut effectus illorum fictione receden-
te reviviseret: ne aliquin qui semel in-
digne aut sine sufficienti dispositione illa Sacra menta suscepisset (quod subinde etiam sine culpa potest contingere) illorum effec-
tu in perpetuum carceret: præsertim cum constituent hominem in statu immutabili,
ad quem dignè obeundum gratia illis Sa-
cra mentis propria est valde utilis, immo ne-
cessaria. Idem simili ratione docet Suarez <sup>Idem variis
censent de</sup> & alii de Extrema Unctione & Matrimo-
nio: quia licet non imprimant Charac-
terem, tamen reiterari non possunt durante
eadem infirmitate aut vitâ conjugis.

50. *Sed incertum
Extrema-
Unctione &
Matrimo-
nio,*

Verum haec omnia nituntur incertâ conjecturâ. Quod autem Aliqui allegent auctoritatem Augustini, qui lib. 6. de Bap. do ostendit cap. 5. videtur doctrinam prædictam. Conclus. tra-

ditam fundare in sanctitate Baptismi, quae ratio etiam locum habet in his Sacra mentis. Hoc, inquam, parum urget, eo quod ratio ista non sufficiens sit aut adæquata, sed præcipua sit voluntas Dei institutis hâc ratione Baptismum, tum ob illius sanctitatem, tum principaliter ob remissio-
nem peccatorum Baptismum antecedentium, quæ necessariò debet fieri per ipsum Baptismum ut patet ex Augustino lib. 1. de Bap. cap. 11. & ex objectione Donati-
flarum ibidem. Deinde sanctitas etiam locum habet in Sacramento Eucharistie:

quod tamen reviviscente æquè ut alia Sa-
cra menta, nullatenus dici potest (quid-
saltem non
quid aliqui videantur secus sentire) non
solum quia nulla est necessitas, cum pos-
sit toties quoties iterari, & effectus il-
lius obtineri: sed etiam quia videtur alie-
num à mente Fidelium: & quia non le-
ve sequeretur inde inconveniens, nem-
pe eum qui semper sacrilegè celebraasset
aut communicasset, sed in fine vita cum
attritione & confessione moreretur, re-
cepturum gratiae augmentum & sancti-
tatem tanto majorem, quantò plura sa-
cra legia commisisset. Ita D. Bonavent. dist.
4. part. 1. art. 2. quest. 3. ad 3. & alii com-
muniter.

Cessaret quidem allegatum inconve- ^{Quod am-}
niens, dicendo reviviscente solum ulti- ^{plus decla-}
ratum communionem, adeoque obicem ^{ratur.}

P debere

debere auferri, antequam Eucharistia, de-nudum sumatur; ut respondet Ponc. disp. 41. num. 92. in favorem afferentium reviviscentiam Eucharistiae; tametsi ipse illam neget. Nihilominus hoc novum effugium non est ad mentem istorum Auctorum, qui sine restrictione loquuntur. Deinde sanctitas Sacramenti (in qua se fundant) locum habet, quocumque tempore obex tollatur. Denique etiam tali reviviscentiae obstat adhuc, tum jugis Sacramenti iterabilitas, tum sensus communis, quo Eucharistia indignè suscepta instar cibi à stomacho rejecti videtur omnino vim nutriendi perdere. Nisi quod supposita veritate opinionis afferentis augeri gratiam auctam dispositione interea dum adhuc in stomacho durant species sacramentales (de quo in Tract de Eucharistia) consequens videatur Eucharistiam ab initio in malo statu suscepit reviviscere, si ante corruptionem specierum accedat dispositio.

51.
Poenitentia,
si possit esse
valida &
informis,
probabiliter
reviviscet.

De Poenitentia tamen Sacramento probabile satis est, quod reviviscat, supposito quod possit dari validum & informe; prout plures censem, quibus tamen non afferuntur, ut suo loco patebit. Pro illo enim est ratio specialis, qua pro Baptismo: nam peccata in illo validè confessa non remittuntur directè in sequenti confessione, in qua non debent exprimi: ergo sublato obice directè remittuntur per absolutionem in confessione praecedenti informi datam, cui fuerunt directè subjecta: Christus enim voluit ut semel singula mortalia directè subjiciantur sententia Ecclesiæ, & sacramentaliter remittantur. Confirmatur: quia nullum peccatum mortale post baptismum commissum potest remitti sine Sacramento Poenitentia aut ejus voto: atqui peccata mortalia in confessione informi expressa remittuntur postea per contritionem absque voto alterius confessionis de illis (cum non sit opus ea amplius confiteri) ergo remittuntur per efficaciam ipsius Sacramenti poenitentiae prius suscepiti. Hæc tamen non ita convincunt, ut non sit responsioni aut evasioni locus; prout circa auctoritatem Tridentini observatum fuit num. 44.

Q U A E S T I O V .

Qualis Dispositio requiratur ad tolendum obicem, & ad Reviviscentiam Sacramentorum?

52.
Obex, alius
negativus,
alius positivus.

O BEX alius est merè negativus & consistit in carentia inculpata legitimæ dispositionis ad effectum Sacramenti requisitæ. Alius positivus, qui consistit in peccato mortali, quod quis incurrit suscipiendo culpabiliter Sacramentum absque debita dispositione.

Ad Sacraenta porrò vivorum quodatint, sicut illa dum actu suscipiuntur, tollunt presupponunt primam gratiam habitualem; sic deum præterita reviviscunt (si que reviviscant) videri potius possent similiiter presupponere statum gratiae; adeoque contritionem, vel cum Sacramento mortuorum attritionem, eti si obex tantum negativus, prærequirere. Nihilominus si Sacraenta vivorum causent aliquando per accidens seu secundariò primam gratiam, videntur illam consequenter cauare in bona fide attrito, quando cum obice negativo suscepit reviviscunt. Immo consequenter non video, cur id fieri non posset, eti attritio foret cognita ut talis, ab illo, qui postmodum nolceret infructuosam Sacraenta susceptionem bona fide factam: nam tunc cessat obligatio suscipiendi extra statum gratiae hujusmodi Sacramentum, utpote jam receptum; quod proinde videtur reviviscedo operari effectum in attrito: cum causationi primæ gratiae per se solùm obstat, quod Christus ista Sacraenta graviter veuerit suscipi extra statum gratiae. Unde etiam in sententia adscribentium his Sacramentis interdum primam gratiam, cauaretur gratia in suscipiente illa cum attritione cognitâ, qui invincibiliter ignoraret aliam dispositionem requiri. In contraria vero sententia aliter foret discurrendum. Quod si suscipiantur cum obice positivo, idem est de iis dicendum, quod de Baptismo. De quo (idem est de Poenitentia, & datur informis, & reviviscat)

D i c o I. In eo qui recepit Baptismum cum obice merè negativo, & post Baptismum non commisit novum peccatum mortale, reviviscit Baptismus per solam attritionem supernaturalem. Est communis contra Vasquez requirentem contritionem, sumptu fundamento ex Angustino, qui tamen loquitur de obice positivo, vel dicit requiri poenitentiam, qua complectitur contritionem perfectam & imperfectam.

Probatur Conclusio: quia ad delendum peccata Baptismum praecedentia sufficit attritio, quando Baptismus suscipitur; ergo etiam quartu reviviscit, cum secundum Angustum tunc habeat eandem vim. Confirmatur: quia alioquin is, qui post Baptismum cum obice negativo suscepit non peccasset, justificari non posset, nisi per contritionem, sicut in Læge veteri. Immo peioris esset conditionis, quam is qui post Baptismum plura peccata commisisset: hic enim per attritionem cum Sacramento Poenitentia (cujus alter est incapax) posset justificari; ut etiam merito admittit ipse Vasquez: quāvis hoc non fatus quadret in ipsius opinionem: vis enim Baptismi non roboratur ex coniunctione confessionis, utpote nullam vim habentis in peccata ante Baptismum commissa: igitur